

Uunga siunnersuut:

Immikkut ittumik pisoqartillugu attaveqaqatigiissutinik elektroniskiusunik aamma attaveqaqatigiinnermik kiffartuussissutinik elektroniskiusunik pingaarnersiuneq pillugu Namminersorlutik Oqartussat nalunaarutaat

Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaanni nr. 31, 23. november 2017-imeersumi § 5, imm. 3, nr. 1, § 9, imm. 1 aamma § 33, imm. 1 naapertorlugit aalajangersarneqarpoq:

§ 1. Nalunaarummi matumani uku imatut paasineqassapput:

- 1) Upalungaarsimasut: Immikkut ittumik pisoqartillugu inuiaqatigiinni pingaarutillit atatiinnarneqarnissaannut oqartussat, suliffeqarfii illu tapersiisut.
- 2) Immikkut ittumik pisut: Annertunerusumik ajunaarnerni, ajunaarnersuarni imaluuniit pisuni inuiaqatigiinni pingaarutillit atatiinnarumallugit attaveqaqatigiissutit elektroniskiusut aamma attaveqaqatigiinnermik kiffartuussissutit elektroniskiusut pillugit immikkut suliniuteqartoqartariaqarsinnaatillugu.
- 3) Attaveqaqatigiissutit elektroniskiusut: Aallakaatitsissutit atajuartumik attaveqaataasumik imaluunniit qitiusumik aqutsivimmik aallaaveqaraluarpataluunniit, attuumassuteqartunillu ka-titerinermut, aqutsinermullu allanillu atortoqartillugu, matumani ilanngullugit internetimi immikkoortut atanngitsut ungerutissiatigut aqqutit, radiup maligaasai, qaamaneq atorlugu attaveqaatit imaluunniit atortut elektromagnetiskit allat iluaqutigalugit signalinik aallakaatitsissutaasinnaasut, matumani ilanngullugit satellitsikkut aqqutit, nunamik tunngaveqarluni aalajangersimasumik attaveqaat aamma mobilikkut attaveqaat, innaallagissamullu aqqutit signalinik radiukkut aamma isiginnaarutikkut aamma TV-mut kabelikkut atortutigit siammarsaanermut atorneqartartunik aallakaatitsinernut atorneqartillugit, paasissutissaq ingerlateqqinneqartoq sunaanersoq apeqqutaatinnagu.
- 4) Attaveqaqatigiinnermik kiffartuussissutit elektroniskiusut: Attaveqaatit naapiffiisa akorngini (nettermineringspunkt) radiokkut imaluunniit nalunaarasuartaatitigut attaveqaatit ikiorsiullugit, matumani illugiilluni attaveqaqatigiinneq aamma illuatungaannaanut attaveqartarneq ilanngullugit, kiffartuussineq tamakkiisumik imaluunniit ilaannakortumik nipitigut, assitigut, oqaasertatigut imaluunniit taakkua akuleriisillugit elektroniskimik ingerlatitsinerusoq.

§ 2. Immikkut ittumik pisoqartillugu attaveqaqatigiissutit elektroniskiusut aamma attaveqaqatigiinnermik kiffartuussissutit elektroniskiusut ajoquteqannginnissaat sapinngisamik qulakkeerumallugu, akuersissummik pigisaqartoq pisariaqartumik pilersaarusiussaaq, pisariaqartunillu iliuuseqarluni.

Imm. 2. Immikkut ittumik pisoqartillugu attaveqaqatigiissutit elektroniskiusut ajoquteqannginnissaat qulakkeernissaa siunertaralugu akuersissummik pigisaqartoq tulliuuttunik suliaqassaaq:

- 1) Aarlerinarsinnaasunik aqutseriaaseq aqutsisunik tunngaveqarlunilu uppernarsarneqarsimasoq aallaavigalugu upalungaarsimanermut pilersaarusiortassaaq, aamma
- 2) Sungiusarnissanik pilersaarusiortassaaq, taakkunanilu peqataalluni.

Imm. 3. Akuersissummik pigisaqartoq upalungaarsimanermut pilersaarutininik Nalunaarasuartaateqarnermi Aqutsisoqarfimmut ukiumoortumik nassitsisassaaq, tak. imm. 2, nr. 1.

§ 3. Immikkut ittumik pisoqartillugu inuiaqatigiinni pingaarutillit atatiinnarneqarnissaannut atatillugu upalungaarsimasut attaveqaqatigiinnermik kiffartuussissutinik elektroniskiusunik atuisinnaanissaat akuersissummik pigisaqartup qulakkiissavaa.

Imm. 2. Immikkut ittumik pisoqartillugu upalungaarsimasut, allallu attaveqarnissaminut pisariaqartitsinerat piginnaasat nammassinnaanngippassuk, upalungaarsimasut attaveqaqatigiinnermik kiffartuussissutinik elektroniskiusunik atuisinnaanissaannik Nalunaarasuartaateqarnermi Aqutsisoqarfik ataavartumik ataqatigiissaarillunilu pingaarnersiussaaq, taamaattoq tak. imm. 5.

Imm. 3. Nalunaarasuartaateqarnermi Aqutsisoqarfik pisariaqartumik pingaarnersiuiinissaata tungaanut akuersissummik pigisaqartup, tulliuuttumi pingaarnersiuiineq naapertorlugu piginnaasat pigineqartut pingaarnersiussavai:

- 1) Ingerlasut nalinginnaasut iluarseqqinnissaat siunertaralugu attaveqaqatigiissutinik elektroniskiusunik aamma attaveqaqatigiinnermik kiffartuussissutinik elektroniskiusunik aqutsineq
- 2) Ajornartoornerni ikiuisartut, annaassiniartartullu, matumani ilanngullugu Alarm 112
- 3) Politiit
- 4) Illersornissaqarfik
- 5) Peqqinnissaqarfik

Imm. 4. Pingaarnersiuisimaneq pillugu, tak. imm. 2, Nalunaarasuartaateqarnermi Aqutsisoqarfiup Ineqarnermut Attaveqaasersuutinullu Naalakkersuisoqarfik ilisimatissavaa.

Imm. 5. Ineqarnermut Attaveqaasersuutinullu Naalakkersuisoqarfik pingaarnersiuiinnermik tigusiniarluni aalajangiisinaavoq, tak. imm. 2. Immikkut ittumik pisup qaangiunnissaata tungaanut tigusineq sivisunerpaamik pisinnaavoq.

§ 4. Immikkut ittumik pisoqartillugu pingaarnersiuiineq qanoq sivisutiginissaanik naatsorsuuteqarneq pillugu akuersissummik pigisaqartup upalungaarsimasut aamma KNR ilisimatissavai.

§ 5. Ajornartoornermi pilersaarusiornermi akornuteqarnissaaq sapinngisamik pinaveersaartissallugu upalungaarsimasut akisussaaffeqarput.

§ 6. Nalunaarut malinneqarnersoq Nalunaarasuartaateqarnermi Aqutsisoqarfiup nakkutigissavaa.

§ 7. Nalunaarut ulloq xx. [qaammat] 2024-mi atuutilissaaq.

Namminersorlutik Oqartussat, ulloq xxxxx

Hans Peter Poulsen
Ineqarnermut Attaveqaasersuutinullu Naalakkersuisoq

/Ruth Lindhardt